



# 10 POROSI

PËR T'U MBROJTUR NGA VIRUSI

# KORONA

Shejkh  
Abdurr-Razzaak el-Bedër



## *Dhjetë porosi për t'u mbrojtur nga virusi "Korona"*

Të gjitha lavdet dhe falenderimet i takojnë Allahut, i Cili i përgjigjet hallexhiut nëse ai i lutet Atij, e ndihmon të dëshpëruarin nëse ai e thërret Atë, dhe Ai e heq të keqen dhe i largon hallet. Zemrat nuk gjallërohen veçse me përmendjen e Tij, e nuk ndodh asnjë gjë përveçse me lejen e Tij, e nuk largohet asnjë gjë e padëshiruar përveç se me mëshirën e Tij, e nuk ruhet asnjë gjë përveç se me ruajtjen e Tij, e nuk arrihet asnjë aspiratë përveç se me lehtësimin e Tij, e nuk arrihet asnjë lloj lumturie përveç se me bindjen ndaj Tij.

Unë dëshmoj se nuk ka të adhuruar tjetër me të drejtë përpos Allahut të vetëm e të pashok, Zoti i gjithësisë, i Adhuruari me të drejtë i brezave të parë dhe të fundit, Ai që mban qiejt dhe tokën; si dhe dëshmoj se Muhamedi është rob dhe i dërguar i Tij, i cili u dërgua me Librin e Qartë dhe me Rrugën e Drejtë, lavdërimet dhe paqja e Allahut qofshin mbi të, si dhe mbi Familjen e tij dhe të gjithë Shokët e tij.

E më pas:

Këto janë disa porosi të dobishme, si përkujtim nga ana ime, me rastin e frikës që i ka zënë njerëzit këto ditë nga epidemia që quhet "Korona". Lusim Allahun e Plotfuqishëm e të Madhërishëm që të

largojë nga ne dhe nga muslimanët, kudoqofshin ata, çdo dëm e çdo bela, që të heqë nga ne vështirësinë dhe mundimin, e që të na ruajë të gjithëve ashtu siç i ruan Ai robërit e Tij të devotshëm. Padyshim që vetëm Ai mund ta bëjë këtë dhe Ai është i Plotfuqishëm për ta bërë.

## **I - Çfarë thuhet përpara se të bjerë belaja:**

Është transmetuar nga 'Uthman Ibën 'Affan - *radijAllahu 'anhu* - se ka thënë: E kam dëgjuar të Dërguarin e Allahut - *sal-lAllahu 'alejhi ue sel-lem* - të thotë:

«مَنْ قَالَ: «بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ فِي الْأَرْضِ وَلَا فِي السَّمَاءِ وَهُوَ السَّمِيعُ الْعَلِيمُ» ثَلَاثَ مَرَّاتٍ لَمْ تُصِبْهُ فَجَاءَةٌ بَلَاءٍ حَتَّى يُصْبِحَ، وَمَنْ قَالَهَا حِينَ يُصْبِحُ ثَلَاثَ مَرَّاتٍ لَمْ تُصِبْهُ فَجَاءَةٌ بَلَاءٍ حَتَّى يُمَسِيَ»

***“Kush thotë: “Bismilahil-ledhij la jedurru mea ismiHi shej'un fil-erdi ue la fis-semaa`i ue Huwes-Semij'ul-'Aliim” (Me emrin e Allahut, asgjë nuk të dëmton me emrin e Tij, as në tokë e as në qiell, dhe Ai është Dëgjuesi i gjithçkaje, i Gjithëdituri), tre herë, nuk do ta godasë asnjë bela e papritur derisa të gdhihet. E kush e thotë atë kur gdhihet, tre herë, nuk do ta godasë asnjë bela e papritur derisa të ngryset.”***<sup>1</sup>

<sup>1</sup> E ka transmetuar Ebu Davudi e të tjerë.

**2 - Të thuhet sa më shumë fjala “La ilahe il-la Ente, subhaneKe, innij kuntu minedh-dhaalimiin” (Nuk ka të adhuruar tjetër me të drejtë përveç Teje, i Pastër nga çdo mangësi je Ti, e me të vërtetë që unë isha prej zullumqarëve):**

Ka thënë Allahu i Plotëfuqishëm e i Madhërishëm:

﴿وَذَا التُّونِ إِذْ ذَهَبَ مُغَاضِبًا فَظَنَّ أَنْ لَنْ نَقْدِرَ عَلَيْهِ فَنَادَى فِي الظُّلُمَاتِ أَنْ لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ فَاسْتَجَبْنَا لَهُ وَنَجَّيْنَاهُ مِنَ الْغَمِّ وَكَذَلِكَ نُنَجِّي الْمُؤْمِنِينَ﴾

“(Përkujto edhe) Dhen-Nunin kur iku i zemëruar e mendoi se Ne nuk ia kishim caktuar atij (ndëshkimin), por pastaj ai thirri duke qenë nën errësira: “Nuk ka të adhuruar tjetër me të drejtë përveç Teje, i Pastër nga çdo mangësi je Ti, padyshim që unë isha prej zullumqarëve.” Atëherë, Ne iu përgjigjëm atij dhe e shpëtuan nga halli ku ishte. E kështu i shpëtojmë Ne besimtarët.”<sup>2</sup>

Ka thënë hafizi Ibën Kethir – Allahu e mëshiroftë – në tefsirin e tij për Fjalën e Allahut të Lartësuar:

﴿وَكَذَلِكَ نُنَجِّي الْمُؤْمِنِينَ﴾

<sup>2</sup> el-Enbija`, 87-88.

**“E kështu i shpëtojmë Ne besimtarët.”** Domethënë: (Ne i shpëtojmë ata) kur ata janë në vështirësi dhe na luten Neve duke u kthyer nga Ne, sidomos nëse na luten me këtë dua, kur janë në gjendje fatkeqësie.”

Pastaj ai solli një hadith nga Profeti – *sal-IAllahu 'alejhi ue sel-lem* –, i cili ka thënë:

«دَعْوَةُ ذِي التُّونِ إِذْ دَعَا بِهَا وَهُوَ فِي بَطْنِ الْحُوتِ: «لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ»، لَمْ يَدْعُ بِهَا رَجُلٌ فِي شَيْءٍ قَطُّ إِلَّا اسْتَجَابَ اللَّهُ لَهُ.»

**“Lutja që bëri Dhen-Nuni kur u lut, ndërsa ndodhej brenda barkut të peshkut, ishte: “La ilahe il-la Ente, subhaneKe, innij kuntu minedh-dhaalimiin.”** (Nuk ka të adhuruar tjetër me të drejtë përveç Teje, i Pastër nga çdo mangësi je Ti, e me të vërtetë që unë isha prej zullumqarëve.) **Nuk ka njeri që lutet me këtë dua, e që të mos i përgjigjet Allahu lutjes së tij.”**<sup>3</sup>

Ka thënë dijetari i madh **Ibnul-Kajjim** - Allahu e mëshiroftë -: “Nuk largohen vështirësitë e dynjasë me diçka më të mirë sesa Teuhidi, prandaj duaja që bëhet kur gjendesh në hall është me Teuhid, edhe duaja që bëri Dhen-Nuni - me të cilën kushdo që lutet kur është në hall do të gjejë rrugëdalje - ishte me Teuhid. Asgjë nuk të hedh në telashe të mëdha siç të hedh shirku, e asgjë nuk të shpëton prej tyre përveçse Teuhidi, sepse ai është strehimi për

<sup>3</sup> E ka transmetuar Imam Ahmedî dhe Tirmidhiu.

*krijesën, është mbrojtja, fortesa dhe ndihmesa e saj. E suksesi vjen veçse nga Allahu."*

### **3 – T'i kërkosh mbrojtje Allahut nga belaja e rëndë:**

Është transmetuar nga Ebu Hurajrah – *radijAllahu 'anhu* – se i Dërguari i Allahut – *sal-lAllahu 'alejhi ue sel-lem* – kërkonte mbrojtje që të mos e zinte belaja e rëndë, që të mos e kaplonte dëshpërimi, që të ruhej nga të këqijat që mund t'i vinin nga Kaderi dhe që mos sprovohet aq sa të gëzohen armiqtë."

Është transmetuar gjithashtu nga Ebu Hurajrah – *radijAllahu 'anhu* –, se Pejgamberi – *sal-lAllahu 'alejhi ue sel-lem* – ka thënë:

«تَعَوَّذُوا بِاللَّهِ مِنْ جَهْدِ الْبَلَاءِ، وَدَرَكِ الشَّقَاءِ، وَسُوءِ الْقَضَاءِ، وَشِمَاتَةِ الْأَعْدَاءِ.»

***"Kërkojini mbrojtje Allahut që mos t'ju bjerë belaja e rëndë, që mos t'ju kaplojë dëshpërimi, që t'ju ruajë nga të këqijat që mund të vijnë nga Kaderi dhe që të mos ju sprovtojë aq sa të gëzohen armiqtë."***<sup>4</sup>

<sup>4</sup> Të dy hadithet i ka transmetuar Bukhari.

## 4 – Të bësh gjithmonë duanë kur del nga shtëpia:

Është transmetuar nga Enes Ibën Malik – *radijAllahu 'anhu* – se Pejgamberi – *sal-lAllahu 'alejhi ue sel-lem* – ka thënë:

«إِذَا خَرَجَ الرَّجُلُ مِنْ بَيْتِهِ فَقَالَ: «بِسْمِ اللَّهِ، تَوَكَّلْتُ عَلَى اللَّهِ، لَا حَوْلَ وَلَا قُوَّةَ إِلَّا بِاللَّهِ» – قَالَ: – يُقَالُ حِينَئِذٍ: هُدَيْتَ، وَكُفَيْتَ، وَوُقِيْتَ، فَتَتَنَحَّى لَهُ الشَّيَاطِينُ، فَيَقُولُ لَهُ شَيْطَانٌ آخَرُ: كَيْفَ لَكَ بِرَجُلٍ قَدْ هُدِيَ وَكُفِيَ وَوُقِيَ؟»

*“Kur njeriu të dalë nga shtëpia dhe thotë “Bismilah, teuekeltu ‘ala Allah, ue la haule ue la kuwete il-la bilah” (Me emrin e Allahut, i jam mbështetur Allahut, e nuk ka ndryshim e as fuqi përveç se me Allahun), atëherë thotë (një melek): “Tashmë je i udhëzuar, i mjaftuar dhe i mbrojtur.” Atëherë shejtanët largohen nga ai dhe thotë një shejtan tjetër: “E çfarë mund t’i bëni tani një njeriu që është i udhëzuar, i mjaftuar dhe i mbrojtur?”<sup>5</sup>*

## 5 – T’i kërkosh Allahut mirëqënien në mëngjes e në mbrëmje:

Është transmetuar nga ‘AbdUllah Ibën ‘Umer – *radijAllahu ‘anhuma* – se ai ka thënë:

«لَمْ يَكُنْ رَسُولُ اللَّهِ صَلَّى اللَّهُ عَلَيْهِ وَسَلَّمَ يَدْعُ هَؤُلَاءِ الدَّعَوَاتِ حِينَ يُصْبِحُ وَحِينَ يُمَسِّي: اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا وَالْآخِرَةِ، اللَّهُمَّ إِنِّي أَسْأَلُكَ الْعَفْوَ وَالْعَافِيَةَ فِي دِينِي

<sup>5</sup> E ka transmetuar Ebu Davudi.



وَدُنْيَايَ وَأَهْلِي وَمَالِي، اللَّهُمَّ اسْتُرْ عَوْرَاتِي، وَآمِنْ رَوْعَاتِي، اللَّهُمَّ احْفَظْنِي مِنْ بَيْنِ يَدَيْ، وَمِنْ خَلْفِي، وَعَنْ يَمِينِي، وَعَنْ شِمَالِي، وَمِنْ فَوْقِي، وَأَعُوذُ بِعَظَمَتِكَ أَنْ أُغْتَالَ مِنْ تَحْتِي.»

“Nuk i linte asnjëherë i Dërguari i Allahut këto dua, kur gdhihej e kur ngrysej:

***“Allahumme innij es`eluke el-‘aafijete fid-dunia uel-aakhirah. Allahumme innij es`eluke el-‘aafijete fid-diinij ue duniaje ue ehlij ue maalij. Allahumme us-stur ‘auratij ue aamin rau‘aatij. Allahumme ihfedhnij min bejne jedejje ue min khalfij ue ‘an jemiinij ue ‘an shemaalij ue min feukij, ue e’uudhu bi’adhametiKe en ugtale min tahtij.”***

*(O Allah, unë të kërkoj Ty mirëqënien në dynja e në ahiret. O Allah, unë të kërkoj ty faljen dhe mirëqënien në fenë time, në dynjanë time, në familjen time dhe në pasurinë time. O Allah, mbulomi turpet e mia dhe më ruaj nga çdo gjë që më frikëson! O Allah, më ruaj nga përpara e nga mbrapa, nga e majta dhe nga e djathta dhe nga lartë, si dhe kërkoj mbrojtje me Madhështinë Tënde, që të mos vritem nga përposhtë.)<sup>6</sup>*

<sup>6</sup> E ka transmetuar Ahmedi e të tjerë.

## 6 – Bëj sa më shumë dua:

Është transmetuar nga Ibën 'Umeri – *radijAllahu 'anhuma* – se ai ka thënë: I Dërguari i Allahut – *sal-lAllahu 'alejhi ue sel-lem* – ka thënë:

«مَنْ فَتِحَ لَهُ مِنْكُمْ بَابُ الدُّعَاءِ فَتَحَتْ لَهُ أَبْوَابُ الرَّحْمَةِ، وَمَا سُئِلَ اللَّهُ شَيْئًا – يَعْنِي: أَحَبَّ إِلَيْهِ – مِنْ أَنْ يُسْأَلَ الْعَافِيَةَ.»

**“Kujt i hapet dera e duasë, i janë hapur dyert e mëshirës. E nuk i është kërkuar Allahut ndonjë gjë – domethënë që të jetë më e dashur për Të – sesa duaja me të cilën i kërkon Atij mirëqënien.”**

Ka thënë gjithashtu i Dërguari i Allahut – *sal-lAllahu 'alejhi ue sel-lem* –:

«إِنَّ الدُّعَاءَ يَنْفَعُ مِمَّا نَزَلَ وَمِمَّا لَمْ يَنْزَلْ، فَعَلَيْكُمْ عِبَادَ اللَّهِ بِاللُّدْعَاءِ.»

**“Duaja të bën dobi për fatkeqësinë që ka rënë dhe për atë që s’ka rënë akoma, prandaj bëni sa më shumë dua, o robër të Allahut!”<sup>7</sup>**

<sup>7</sup> E ka transmetuar Tirmidhiu e të tjerë.

## 7 – Ruhë nga vendet ku është përhapur epidemia:

Është transmetuar nga 'AbdUllah Ibën 'Aamir – *radijAllahu 'anhuma* – se 'Umeri – *radijAllahu 'anhu* – u nis drejt Shamit, e kur mbërriti në një vend që quhej Serg, i sollën lajmin se kishte rënë epidemia në Sham. Atëherë ai e njoftoi 'Abdurr-Rrahman Ibën 'Aufin se i Dërguari i Allahut – *sal-IAllahu 'alejhi ue sel-lem* – ka thënë:

«إِذَا سَمِعْتُمْ بِهِ بِأَرْضٍ فَلَا تَقْدَمُوا عَلَيْهِ، وَإِذَا وَقَعَ بِأَرْضٍ وَأَنْتُمْ بِهَا، فَلَا تَخْرُجُوا فِرَارًا مِنْهُ.»

***“Nëse dëgjoni që ka rënë epidemia në ndonjë tokë, atëherë mos shkoni atje. E nëse bie epidemia në ndonjë tokë ndërkohë që ju gjendeni në të, atëherë mos dilni prej saj që t’ia mbathni nga epidemia.”***

Gjithashtu, është transmetuar nga Ebu Hurejrah – *radijAllahu 'anhu* – se i Dërguari i Allahut – *sal-IAllahu 'alejhi ue sel-lem* – ka thënë:

«لَا يُورَدُ الْمُمْرِضُ عَلَى الْمَصِحِّ.»

***“I sëmuri nuk duhet të sillet tek ai që është i shëndetshëm.”***<sup>8</sup>

<sup>8</sup> E ka transmetuar Bukhari dhe Muslimi.

## 8 – Bëj sa më shumë mirë dhe mundohu t'i ndihmosh të tjerët:

Është transmetuar nga Enesi – *radijAllahu 'anhu* – i cili ka thënë: I Dërguari i Allahut – *sal-lAllahu 'alejhi ue sel-lem* – ka thënë:

«صَنَّاعُ الْمَعْرُوفِ تَقِي مَصَارِعَ السُّوءِ، وَالْآفَاتِ، وَالْهَلَكَاتِ، وَأَهْلُ الْمَعْرُوفِ فِي الدُّنْيَا هُمْ أَهْلُ الْمَعْرُوفِ فِي الْآخِرَةِ.»

***“Veprat e mirësisë të mbrojnë që mos të të bien gjëra të këqija, sëmundje e fatkeqësi. Njerëzit që bëjnë mirësi në dynja, do të jenë njerëzit e mirësisë në ahiret.”<sup>9</sup>***

Ka thënë Ibën Kajjimi – Allahu e mëshiroftë –: “Prej gjërave më madhështore me të cilat shërohet sëmundja është edhe: bërja e veprave të mira dhe bamirësisë, dhikri, duaja, përulja dhe përgjërimi për Allahun dhe pendimi. Të gjitha këto kanë ndikim në largimin e sëmundjeve dhe arritjen e shërimit, e kanë ndikim më të madh sesa ilaçet mjekësore, mirëpo ndikimi i tyre është në varësi të përgatitjes shpirtërore, pranimit të shpirtit dhe besimit që ka ai për ndikimin dhe dobinë e tyre.”<sup>10</sup>

<sup>9</sup> E ka transmetuar Hakimi.

<sup>10</sup> Zaad el-Me'aad.

## 9 – Falja e namazit të natës:

Është transmetuar nga Bilali – *radijAllahu 'anhu* – se i Dërguari i Allahut – *sal-IAllahu 'alejhi ue sel-lem* – ka thënë:

«عَلَيْكُمْ بِقِيَامِ اللَّيْلِ؛ فَإِنَّهُ دَابُّ الصَّالِحِينَ قَبْلَكُمْ، وَإِنَّ قِيَامَ اللَّيْلِ قُرْبَةٌ إِلَى اللَّهِ، وَمَنْهَاةٌ عَنِ الْإِثْمِ، وَتَكْفِيرٌ لِلْسَيِّئَاتِ، وَمَطْرَدَةٌ لِلدَّاءِ عَنِ الْجَسَدِ.»

*“Mos e lini namazin e natës, sepse ai është vepra që bënin njerëzit e devotshëm që kanë qenë përpara jush, e sepse namazi i natës është vepër që të afron tek Allahu, të ndalon nga gjynahu, të shlyen gjynahet dhe të largon sëmundjen nga trupi.”*<sup>11</sup>

## 10 – Të mbulohen enët me ushqim dhe të mbyllet gryka e enëve në të cilat pihet uji:

Është transmetuar nga Xhabir Ibën 'AbdUllah – *radijAllahu 'anhuma* – i cili ka thënë: E kam dëgjuar të Dërguarin e Allahut – *sal-IAllahu 'alejhi ue sel-lem* – të thotë:

غَطُّوا الْإِنَاءَ، وَأَوْكُوا السَّقَاءَ، فَإِنَّ فِي السَّنَةِ لَيْلَةً يَنْزَلُ فِيهَا وَبَاءٌ؛ لَا يَمُرُّ بِإِنَاءٍ لَيْسَ عَلَيْهِ غَطٌّ، أَوْ سِقَاءٍ لَيْسَ عَلَيْهِ وَكَاءٌ إِلَّا نَزَلَ فِيهِ مِنْ ذَلِكَ الْوَبَاءِ.»

<sup>11</sup> E ka transmetuar Tirmidhiu e të tjerë.

***“Mbuloni enët e ushqimit dhe mbyllni grykët e enëve në të cilat pihet uji, sepse në çdo vit ka një natë gjatë së cilës zbret një epidemi; e nëse ajo kalon pranë enës së ushqimit, e cila nuk është e mbuluar, si dhe në enën në të cilën pihet uji, që nuk i është mbyllur gryka, padyshim që epidemia do të futet në to.”<sup>12</sup>***

Ka thënë Ibën Kajjimi – Allahu e mëshiroftë –: “Këtë dukuri nuk e perceptojnë dot shkencat dhe as njohuritë e mjekëve.”<sup>13</sup>

Si përfundim, çdo musliman duhet t’ia lëjë çështjet e tij Allahut të Plotfuqishëm e të Madhërishëm, duke shpresuar mirësinë e Tij, duke synuar shpërblimin e Tij e duke iu mbështetur Atij, sepse të gjitha çështjet janë në Dorën e Tij, i nënshtrohen sistemimit dhe nënshtrimit të Tij.

Gjithashtu, muslimani duhet t’i presë fatkeqësitë që i bien, me durim e me shpresën për shpërblim, ngaqë Allahu i Plotfuqishëm e i Madhërishëm i ka premtuar atij që bën durim dhe shpreson shpërblim, se do ta kompesojë e do t’i japë shpërblim shumë të madh. Ka thënë Allahu i Plotfuqishëm e i Madhërishëm:

﴿إِنَّمَا يُوفِّي الصَّابِرُونَ أَجْرَهُمْ بِغَيْرِ حِسَابٍ﴾

**“Me të vërtetë që durimtarëve do t’u jepet shpërblimi i tyre pa hesap.”<sup>14</sup>**

<sup>12</sup> E ka transmetuar Muslimi.

<sup>13</sup> Zaad el-Me’aad.

Gjithashtu, është transmetuar nga 'Aishah – *radijAllahu 'anha* – se ajo e pyeti Profetin – *sal-lAllahu 'alejhi ue sel-lem* – për epideminë dhe ai tha:

«إِنَّهٗ كَانَ عَذَابًا يَبْعَثُهُ اللهُ عَلَى مَنْ يَشَاءُ، فَجَعَلَهُ اللهُ رَحْمَةً لِلْمُؤْمِنِينَ، فَلَيْسَ مِنْ عَبْدٍ يَقَعُ الطَّاعُونَ، فَيَمُوتُ فِي بَلَدِهِ صَابِرًا، يَعْلَمُ أَنَّهُ لَنْ يَصِيْبَهُ إِلَّا مَا كَتَبَ اللهُ لَهُ، إِلَّا كَانَ لَهُ مِثْلُ أَجْرِ الشَّهِيدِ.»

***“Ajo është dënim që e dërgon Allahu për kë të dojë Ai, porse Allahu e ka bërë atë mëshirë për besimtarët. Andaj çdo rob që bie në epidemi dhe rri në vendin e tij, bën durim duke e ditur që asgjë nuk e godet përveçse ajo që ka shkruajtur Allahu për të, padyshim që ai do të marrë njësoj si shpërblimi i shehidit.”***<sup>15</sup>

Unë e lus Allahun që të na japë sukses të gjithëve në fjalët dhe veprat që Ai i do dhe kënaqet me to, të na japë sukses në fjalën e bukur, sepse Ai e thotë hakun dhe Ai të udhëzon në Rrugën e Drejtë.

Të gjitha lavdet dhe falenderimet i takojnë vetëm Allahut.

<sup>14</sup> ez-Zumer, 10.

<sup>15</sup> E ka transmetuar Bukhari.

Lavdërimet dhe paqja e Allahut qofshin mbi Profetin tonë, Muhamedin, si dhe mbi Familjen e tij dhe Shokët e tij.

Burimi: <https://www.al-badr.net/detail/Ox1b6tLIBZ7c>

Përktheu: Alban Malaj